

**Ugovor**  
o nabavci robe

## I UGOVORNE STRANE

### **KJP „ZOI'84 OCS“ d.o.o. Sarajevo**

Sjedište: Alipašina bb, 71000 Sarajevo  
Koga zastupa direktor mr. sci Nevres Alispahić  
Identifikacijski broj: 4200347000004  
(u daljem tekstu: Naručilac)

i

### **Strucon d.o.o. Sarajevo**

Sjedište: Avde Jabučice br.48,71000 Sarajevo,Bosna i Hercegovina  
Koga zastupa direktor Erol Sarvan  
Identifikacijski broj: 4201938750009  
Porezni identifikacijski broj: 201938750009  
Transakcijski broj banke, ime i sjedište banke: 1990490058879241, Sparkasse Bank d.d.BiH  
(u daljem tekstu: Isporučilac)

## II PREDMET UGOVORA

### Član 1.

Predmet ovog Ugovora je kupovina polovnih mašina za uređenje ski staze :

- a) Mašina 1 tip ALPINE 510, godina proizvodnje 2013 god., broj šasije DS-12-030;
  - b) Mašina 2. tip ALPINE 510, godina proizvodnje 2016 god., broj šasije CMD-002-D-16;
- prema Tenderskoj dokumentaciji broj: 2903/18 od 26.09.2018.g. i Ponudi Isporučioca, broj: 42-11/18 od 05.11.2018.g., koji su u prilogu ovog Ugovora i čine njegov sastavni dio.

## III OBAVEZE ISPORUČIOCA

### Član 2.

Isporučilac se obavezuje:

- a) Da garantuje Naručiocu za ispravnost i istinitost dokumentacije, serijski broj, i broj šasije da je roba iz člana 1. njegovo isključivo vlasništvo, da na mašinama ne postoje tereti u korist trećih osoba, te da su podmirene sve dadžbine kod prethodnih kupoprodaja;
- b) Da za neistinitost ili netačnost podataka za robu iz člana 1. ovog Ugovora snosi sve posljedice bez obzira kad se neistinitost ili netačnost utvrdi odnosno ustanovi;
- c) Da potpisom ovog Ugovora predaje u vlasništvo robe iz člana 1. ovog Ugovora Naručiocu;
- d) Da navedenu opremu isporuči i istovari na lokaciji ugovornog organa.

## IV CIJENA I NAČIN PLAĆANJA

### Član 3.

Ukupna vrijednost predmetnog ugovora iznosi **584.766,00 KM** (slovima:petstotinaosamdesetčetirihiljadestotinašezdesetšest i 00/100 konvertibilnih maraka) sa uključenim PDV-om, odnosno **499.800,00 KM** (slovima: četiristotinedevadesetdevethyljadaosamstotina i 00/100 konvertibilnih maraka) bez uključenog PDV-a.

#### Član 4.

Naručilac će izvršiti plaćanje iz člana 3. ovog ugovora nakon izvršene isporuke, u roku od 60 (šesdeset) dana od dana prijema ispostavljene fakture od strane Isporučioca, a stavni dio fakture je i zapisnik o Kvalitativno-kuantitativnom prijemu opreme potpisan od ovlaštenih lica oba ugovarača.

#### Član 5.

(1) Mjesto isporuke opreme iz člana 1. ovog Ugovora je OJ Ski centar Bjelašnica, tehnička baza.

(2) Rok isporuke je 15 dana od dana stupanja Ugovora na snagu.

(3) Kvalitativno-kuantitativni prijem opreme vršiće se potpisivanjem Zapisnika od strane ovlaštenih lica oba ugovarača.

(4) Isporučilac se obavezuje da će Naručiocu isporučiti opremu odgovarajućeg kvaliteta koja odgovara tehničkim standardima i propisima koji važe za ovu vrstu opreme, u suprotnom je dužan Naručiocu nadoknaditi štetu u potpunosti i prema pozitivnim propisima o naknadi štete.

(5) Isporučilac je dužan nakon isporuke opreme iz člana 1. ovog Ugovora a u prisustvu ovlaštenog lica Naručioca izvršiti funkcionalno ispitivanje i provjeru rada istog.

(6) Po okončanju isporuke Isporučilac je dužan Naručiocu isporučiti svu tehničku dokumentaciju, garantne listove za opremu, kao i uputstva za rukovanje na jednom od službenih jezika u BiH.

#### Član 6.

Isporučilac daje garanciju na kvalitet isporučene robe i to na legalnost vozila i na radne sate te da je vozilo servisirano.

#### Član 7.

O eventualnim nedostacima u kvalitetu predmetne nabavke Naručilac će Izvršioca izvjestiti odmah, a najkasnije u roku od 3 (tri) dana od dana isporuke.

#### Član 8.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Naručioca: Adis Mušinović,
- za Izvršioca: Sarvan Erol .

### **V STUPANJE NA SNAGU I RJEŠAVANJE SPOROVA**

#### Član 9.

(1) Ovaj Ugovor stupa na snagu danom obostranog potpisivanja od strane ovlaštenih lica ugovorenih strana.

(2) U slučaju kašnjenja u isporuci roba do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

(3) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

#### Član 10.

Svaka od ugovorenih strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana.

#### Član 11.

Eventualno nastale sporove pri realizaciji ovog Ugovora, sporazumne strane će rješavati mirnim putem, u protivnom ugovara se nadležnost suda opšte stvarne nadležnosti u Sarajevu.

### VI OSTALE ODREDBE

#### Član 12.

Naručilac nema pravo da u svrhu izvršenja ovog Ugovora zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

#### Član 13.

Za sve što nije regulisano ovim Ugovorom primjenjivaće se odredbe propisa Zakona o obligacionim odnosima u Bosni i Hercegovini.

#### Član 14.

Punovažne i obavezujuće su samo one izmjene idopune ovog Ugovora koje su sporazumne strane sačinile sporazumno i upisanoj formi.

#### Član 15.

Ovaj Ugovor je sačinjen u 4 (četiri) istovjetna primjerka od kojih svaka sporazumna strana zadržava po 2 (dva) primjerka.

**Za Isporučioca**

**Za Naručioca**

\_\_\_\_\_  
Erol Sarvan, direktor Strucon d.o.o.

\_\_\_\_\_  
mr.sci. Nevres Alispahić, direktor KJP „ZOI'84 OCS“ d.o.o.

Datum: \_\_\_\_\_ 2018. godine

Datum: \_\_\_\_\_ 2018. godine

Broj:

Broj: